

八瓊室金石補正續編

成德軍修庠池河記

碑高池額五尺二寸廣二尺六寸二十一
行行三十七字字徑九分正書在正定

成德軍修庠池河記

篆額二行字
徑六七寸

成德軍修庠池河記

庠池之源發於鴈門繁峙東南道于中山又東過靈壽而常
衛從之霖潦時至長川巨浸之水雜而會者白波沸騰赫數
里鼓城下隘而真定控河之衝數罹漂溢之患天聖七年堤
潰于曹馬口傍激南關壞城之西南隅以入樓櫓泛蕩閭閻
為河□□之死多於魚鼈於是北道搔然大發兵夫以趣其
役而堤塞之功九十七萬城堞之功百六十四萬物為之敗

萬於工役之費而莫之計也天聖距今久矣聞有語其害者
悲傷感頌猶之未忘然堤圯毀高以牛羊之踐平下以沙淤
之澱沒又廢河防之卒徙之於祁固備大壞非一日之積元
豐甲子六月復決於曹馬口下□關門遂掘北濠泄之將軍
之濼而城幸以完水北行三十里湯湯浩浩乃復于河歲之
九月廬陵劉公以天章閣待制自南都帥于茲車未及停輪
即往相其事圖之以進章十上辭益懇而

部使者互以

爲言

朝廷閱焉乙丑二月

制可之

公命以諸邑版

籍率八丁均一夫先嘗浚治城隍乃罷之而并於茲役尺符

所頒俯期而集資畚築者騶呼與謗誦以相杆市之富室偕
與餉之役者悅而無所匿其遲且未嘗鞭扑之而能致其功
也自曹馬口下中渡橫袤四十里作之新堤蛻□而峙又鋸
牙分滿怒之勢堤道所采寔涸沫之末地之聚沙者疊埽若
木岸以禦之木岸八百餘步而埽三倍於木岸之長民之苦
於墊溺而知其利也用不解于勤閱三旬之功餘四日之力
復請治南關 公樂從之使築埽道上平於城以通南
北往來之衝凡村落之蹊絕於堤者築之如關城之制且聚
土其傍補應於歲月功已序矣奏都水領之而請復河防之
卒營之故堤植榆柳於堤足而揭盜決之條以申告賞其所

以久爲之憲曲爲之防後人無以加焉是則

公之政

槩見於斯矣大而用之崇太平之基永萬年之_麻信乎其無難矣清源石巨嘗從按役于行於是錄之以記元豐八年三月二十五日

朝散郎充天章閣待制真定府路安撫使兼馬步軍都總管兼知成德軍府事兼管内勸農使護軍彭城縣開國伯食邑七百戶賜紫金魚袋劉瑾

右記石巨撰不著書碑篆額人姓名巨事蹟未詳記稱巨嘗從按役于行知巨亦宦於河北者巨著貫清源宋史地理志河東路太原府有清源縣碑泮作序池業說文無

滹字周官職方氏漢書地理志滹沱字皆作虜池禮記作
惡池戰國策作呼池詛楚文作亞駝惟山海經作滹沱乃
別體字此碑作虜池正與周禮合記云虜池之源發於雁
門繫時東南通於中山又東過靈壽而常衛從之業山海
經北山經秦戲之山滹沱之水出焉而東流注於漚水郭
璞注今滹沱水出雁門函城南武夫漢書地理志師古注
滹沱出函城元和郡縣圖志代州繫時縣秦戲山一名武
夫山在縣南九十里滹沱河水出焉太平寰宇記繫時縣
秦戲山一名武夫山亦名平山亦名戍夫山今日派山在
縣東南九十里滹沱源出縣東南孤阜山漢書地理志靈

壽中山桓公居此十三州志亦云中山桓公新都太平冢
字記舊邑城在今縣西北是記所云道於中山者即指靈
壽故城非謂定州之中山也常衛即禹貢恒衛既從恒祀
宋真宗諱故改常字以避之猶漢改恒山為常山唐改恒
州為鎮州也漢書地理志靈壽禹貢衛水出東北入滹沱
而恒水不入滹沱記所云誤又記云天聖七年堤潰於曹
馬口傍激南關壞城之西南隅以人死多於魚鼈於是
北道騷然大發兵夫以趣其役而堤塞之功九十七萬城
堞之功百六十四萬物為之敗萬於工役之費而莫之計
宋史河渠志不載天聖七年正定滹沱河決事仁宗本紀

天聖七年夏四月庚寅赦天下免河北被水民租賦長編同

長編載是年二月乙酉賑河北沿邊水災饑民閏二月癸

巳詔河北經水州軍募人入粟以濟貧民真定故屬河北

原可無庸單舉而塞堤築城工費如是之浩繁史志並所

不載故無解於疏略矣曹馬口即白馬口在城西北見嘉

靖真定府志又記云元豐甲子六月復決於曹馬口下□

關門遂掘北濬泄之將軍梁宋史神宗紀五行志皆載是

年河北東西路水壞城郭廬舍惟長編載是年九月提舉

河北路保甲司言邠州鼓城縣巡檢下指使彭大因大水

收救器甲溺死詔賜其家銀二百兩鼓城正津沔下流據

此可為是年真定決口之證而河渠志亦不載將軍梁未詳記所云廬陵劉公即記後題名之劉瑾其列銜皆與宋史瑾傳合天章閣天禧四年建在會慶殿之西龍圖閣之北明年仁宗即位修天章閣畢以奉安真宗御製天聖八年置待制從四品見職官志記載瑾治河之役謂自曹馬口下中渡橫袤四十里作新堤鋸牙分流怒之勢云云案五代史晉開運三年契丹趨恒州晉杜威禦之至中渡橋而退胡三省通鑑注曰州人津渡之所也其上下流各有渡此為中渡宋史河渠志元豐五年前河北轉運副使周革言熙寧中程昉真定府中渡創繁浮梁增費數倍請歲

八九月易以板橋至四五月防河即折去權用渡船蓋即
今郡南之廣濟橋也

常山負
石志

僧清則葬母丁氏記

高七寸餘廣一尺三寸十二行
八九十字不尋字徑七分正書

當州聖壽院翻修大殿功德主僧清則奉在力邵鎮受業有
母丁氏於元豐八年正月二日辰時歿故焚燒訖惟收
舍利數百顆於當年十二月日安立石卵塔并隨骨舍利
一同葬訖元豐八年三月日記之耳

男僧清則并

師僧智

張成等題名

高一尺三寸廣一尺七寸六行行
四字字徑二寸餘正書在四川

張成□□明孺苗□平同飲小閣上元豐乙丑季夏八日

天威軍石橋記碑

高四尺八寸廣三尺二寸五分行四十字
字字徑八分行書篆額未見在井陘

大宋□□軍天威軍石橋記

進士馬 昱撰

本軍東北隔有七里湖此距廣乳嶺少龍□西接鳳山□五
龍崗諸湖之水會於其中南入錦漫河常遇夏秋之交霖潦
暴作則濤奔浪突岳聳山峙流猛□湧勢若激箭滂崖則雨
散衝石則雷吼蛟虺不能居靈魚不能止遠而聽之若百萬
鼙鼓億兆勇士戰酣而不已至其漲甚則逆入於湖十數里
行人阻而不通者久矣泥塗沮洳淤漫陷漬馬濡其膺車□

其數或有急故徒涉者往，被溺前後蹈而死者不可勝紀。
良可悲夫。既有軍旅寇盜之警，征伐賦興之急，羽書行李臨
川數日而不得少進往來之人，歲苦其患，此實為害之大者
也。本軍□□□□立身端謹，賦性恬和，務惻隱存心，拯患難
為意，目擊斯害，首圖厥利，因謂大□栖真院□頭陀善慈曰：
七里之患，爾知之矣。暫勤而永佚，少費而久寧者，仁人之所
用心也。爾素有□緣，眾所傾嚮，將與爾建石缸一道，以濟萬
眾之不通，可乎？頭陀喜而言曰：此我平生之所欲也。

軍使通直葛公下車之始

神明其政，父母其心，百廢具修，一弊必去，宣以橋事請之。

使曰興民之利除民之害本民之情同民之樂乃古良刺史
縣令之職之心也

予安得不從之乎宣唯忻躍而去遂同心鳩工消日藏事
使嘗因公暇同僚屬而觀焉諭其匠者宜速成功無妨農務
其民悅而施勞殊無倦矣宣等一毫不犯三

忻然室家相慶曰七里之患自此息矣一路之民脫沉溺
之大保性命而躋壽域者得
安之作也觀
用
心
礎
版
厭
學
捨
鐵
雕
鏤
禽
獸
曲

畫飛走之狀

第十七行全功
下字無字

為

不知為文推避不獲但紀其實爾

上格十元豐八年乙丑歲七月十五日石

上格十三班奉職充井陘縣巡檢口指使王尚

上格十三班奉職監天威軍監酒稅權井陘縣簿尉劉永德

上格十三班奉職充井陘縣巡檢教押保甲任育

上格十通直郎充天威軍使兼知井陘縣事及管内勸農事葛

續

上格十槐陽新科明法楊淮篆本軍扶風馬通書造橋

刻字張安

上格十都維那享宣頭陀趙善頭陀岳頭字頭陀

張

起橋根行者韓文昇

八字補正
書非出一手

謹案天威城在縣東北五十里宋初置天威砦於此尋曰
天威軍監甯八年移井陘縣治焉金初置威州亦治此後
仍遂舊治今亦謂之威州城又名威州堡亦曰井陘店此
碑直曰天威軍城而不言井陘縣當立於熙甯八年以前
未移縣治之時也

鐵輔
通志

粟子山運石題記

元豐八年七月既望

草編載卷百世八

趙沐

沐

般運石段

原石不作

李虞卿殘碑

石斷闕存上截二尺一寸五分廣三尺三
十二行行存二十二字字徑八分五書

宋故朝奉郎□州□□□□□□□□陳□縣開國男食□
闕下

朝散大夫尚書工部郎中□□□□
闕下

端明殿學士兼翰林侍□學□□
闕下

中散大夫右諫議大夫充天章□□
闕下

惟李氏趙之著姓自□□仕唐至御史大夫有重德天□
闕下

太子少保於公為高祖少保子言贈太子少傅□
闕下

自膠水而下皆以太師貴公太師之幼子也諱雲卿□
闕下

公力爭之曰□□□□出令以公不晨謁於法當坐□□
闕下

登封縣改太子右贊善大夫賜五品服知興元府西縣

闕下

是深相結遷殿中丞知開封府司錄參軍開封

闕下

山東劇郡公不設鉤距不希耳目盜發必獲人畏之

闕下

錢法大盜鑄益衆而法不可禁公曰利

闕下

見納用翰林學士承旨王堯臣薦其材授提點江南西

闕下

目錄為奸公推析得其直八百萬使者以聞

闕下

陞輝賜對仁宗慰勅之趣令還舊職公送巡未即

闕下

謂公之去當有巧之者士論譁然不已公既罷

闕下

仁宗之明見至隱而勸能吏至於如此自雲部五遷為

闕下

領使六路所至必求民之疾苦去吏之貪殘者回興州

闕下

守害民斥逐之足矣舉其則細者衆捕益甚是吾重

適公曰是盜虛名以蓋實罪也此而不懲無以沮惡皆下

比者居頃之暴得未疾丐闕授管句南京留司御史臺下

少為入下耻以疾病被懷祿之譏故其之政年止下

適歲時伏臘一切取具未嘗以毫髮累公方公下

高下雖善技者無以易公確論事寡婦孝撫孤下

人嫡母丁氏永嘉郡太夫人母王氏集郡太君娶下

流孫男二人中求中孫女一人適潞州襄垣縣令下

朝奠公于緱山里第斬然廉衰伏拜不能興而下

而于鄉其始終皆可書也銘曰

李氏三□ 父子公□ 為□_下 不驕不盈 奮于

卑飛 公之_下 唯能用 公 惟 天子明 六

□_下 又何求 道遠以老 長□_下

右李虞卿殘碑未詳所在碑云莫公於緱山里第則其墓當不相遠而碑在偃師左近矣石缺下半僅存上截二十二字撰書人名及卒葬主碑年月皆不可見虞卿高祖太子少保曾祖太子少傅父太師並佚其名按宋史李昌齡子名虞卿官將作監主簿其高祖確曾祖諱仕皆止縣令昌齡官至光祿卿授祕書監致仕與碑所書無一合者必非其人而此虞卿無可攷矣碑云翰林

學士承旨王堯臣薦其材授提點江南西路云云王堯
臣拜學士承旨在皇祐初其厯官在至和嘉祐間碑文
數稱仁宗是其卒在英宗神宗朝可知也因次元豐末

新修梁昭明太子廟殘碑

高五尺四寸廣三尺三寸三十三行行存四
十餘字不等字徑八分正書在貴池齊山

新修昭明廟記

篆額三行字
徑四寸五分

昭明太子廟記

州軍事

下泐此行自三
十九格書起

第三行自三
十三格書起

元祐元年夏六月初□貴池之人無貴賤缺十
二字□□□□在

□惠澤四海天覆地載可謂仁矣□下缺不
知幾字不□□□之□

□□□漁樵自遂於田缺十
三字□訓以□世用安閑佚樂不知

老至可謂泰矣缺下□□□□□缺十
四字□疫癘疾病□□

濤萬頃舟航上下回樞一矚則安流而無虞此

□□□□□□□□□□之人與缺十久而廟貌不莊齋祠不修牛羊

鳥鼠穿踪於庭除缺下□□□□□□□□□□經營缺十

前宮寢有後室門闕重廡列衛在廊齋祠有庖謁教有房缺下

□□□□□□□□□□於一□□□□□□使□□□□□□月考之於 年 月是

時世美莞庫於此而邦人屬以記缺下□□□□□□□□□□明□□

□□缺十數拳樞於雲表清溪環合為一洞天土地饒沃人愿

而質缺下既□□□□旋亡□□□□□□缺十祀我我其福之於是

民相與葺祠於秀山之向秋冬享祀缺下□□□□□□□□永□□□□

□□缺十西於是郭西之祠遍於江東然以梁史考之則昭明

未

缺下

□□□此豈非史

□

缺二
十字

其何故而泰山神祠亦以此

紀之豈非功德及民而

□

秩於歡

缺下

□□□

即序次

□

缺二
十二

字孝寬博喜愠不形於色美姿容舉止自為兒時已喜讀書

□

缺下

記講解辯說該

□

缺二
十字

商略著述以為樂其成書至八

十卷而東宮聚書幾

□

缺下

來曾未之有

□

缺二
十字

元甘露降

于庭然居東宮不忍違顏而忽忽

□

缺下

南向而卧

□

缺二
十字

疾

而衣不解帶及貴嬪薨扶喪還宮至殯而

□

缺下

□

缺二
十字

疾

字侈靡示躬儉以率之而衣以澣濯食不兼

□

缺下

勝

□

缺二
十二

字十五久詠左思招隱云何必絲與竹山水有

□

缺下

雖

□

缺二
十六

字因而書之弊罪以杖

□

缺下

□

缺二
十六

字

繁日常愀然而不自去未價騰踊則缺下□□□七字二十之然皆

密施時莫之知而天下缺下之□□□六字二十右欲聞自傷貽

帝之念噫嗚缺下冕謚曰□□六字二十材德而不及繡承大業丕

冒天缺下□□□□□心三字二十奄及江東明靈陰德及於庶民

靡缺下□□□為□缺下

□□□□缺四□缺上号 不顯其靈莫□□□

知下缺不□□□□缺四□缺四延号 精意感格

靡不旋号 缺下□□池□缺四藻繪彌号 袞

衣龍章冕朱纒号 題題缺下□□□□缺三□

神嘉□□缺下矜憐号 □時醴澤 兩公田号 於廡缺

缺下

□□□柔□□□□□□□□□□

□□三□□□□□□□□號□□元□福被

□缺下

□□□□大夫□□□□□□□□□□
下缺此行自第
二十九格起

朝叢大□□□州軍

以下到物不可解此
行自第二十格起

司馬文正公神道碑

四石各高五尺餘廣二尺四寸各十七行行四十一字字徑一寸五分

宋故正議大夫守尚書左僕射兼門下侍郎上柱國河內郡
開國公食邑四千一百戶食實封壹仟伍伯戶贈太師追封
溫國公謚文正司馬公神道碑

翰林學士朝奉郎知制誥兼侍讀上騎都尉武功縣
開國男食邑三百戶賜紫金魚袋臣蘇軾奉

敕撰

并書

上即位之三年朝廷清明百揆時叙民安其生風俗一
變異時薄夫鄙人皆洗心易德務為忠厚人自重恥言人

過中國無事四夷稽首請命惟西羗夏人叛服不常懷毒自
疑數入爲寇

上命諸將按兵不戰示以形勢不數月

生致大首領鬼章青宜結

闕下夏人數十萬寇涇原至

鎮戎城下五日無所得一夕遁去而西羗兀征聲延以其族
萬人來降黃河始決曹村既築靈平復決小吳橫流五年朔
方騷然而今歲之秋積雨弥月河不大溢及冬水入地蓋深
有北流赴海復禹舊迹之勢凡

上所欲不求而獲而

其所惡不麾而去天下曉然知天意與

上合庶幾復

見至治之成家給人足刑措不用如咸平景德間也或以問
臣軾

上與

太皇太后安所施設而及此臣軾

對曰在易大有上九自天祐之吉無不利孔子曰天之所助者順也人之所助者信也履信思乎順又以尚賢也是以自天祐之吉無不利今

二聖躬信順以先天下而用司

馬公以致天下士應是三德矣且以臣觀之公仁人也天相之矣何以知其然也曰公以文章名於世而以忠義自結

人主

朝廷知之可也四方之人何自知之士大

夫知之可也農商走卒何自知之中國知之可也九夷八蠻何自知之方其退居於洛眇然如顏子之在陋巷纍然如屈原之在波澤其與民相忘也久矣而名震天下如雷霆如河漢如家至而日見之聞其名者雖愚無知如婦人鴆子勇悍

難化如軍伍夷狄以至於姦邪小人雖惡其害已仇而疾之者莫不敝社變色咨嗟太息或至於流涕也元豐之末臣自

登州入

朝過八州以至

京師民知其與公善也所

在數千人聚而號呼於馬首曰寄謝司馬丞相慎毋去

朝廷厚自愛以活百姓如是者蓋千餘里不絕至

京師

聞士大夫言公初入

朝民擁其馬至不得行衛士見公

攀跪流涕者不可勝數公懼而歸洛遠人夏人道使入

朝與吾使至虜中者虜必問公起居而遠人較其邊吏曰中

國相司馬矣慎毋生事開邊隄其後公薨

京師之民罷

市而往弔弔衣以致奠巷哭以過車者蓋以千萬數

上命戶部侍郎趙瞻內侍省押班馮宗道護其喪歸葬瞻等
既還皆言民哭公哀甚如哭其私親四方來會葬者蓋數萬
人而嶺南封州父老相率致祭且作佛事以薦公者其詞尤
哀炷燭於手頂以送公葬者凡百餘人而畫像以祠公者天
下皆是也此豈人力也哉天相之也正夫而能動天亦必有
道矣非至誠一德其孰能使之記曰惟天下之至誠爲能盡
其性能盡其性則能盡人之性能盡人之性則能盡物之性
能盡物之性則可以贊天地之化育矣書曰惟尹躬暨湯咸
有一德克享天心又曰德惟一動罔不吉德二三動罔不凶
或以千金與人而人不喜或以一言使人而人死之者誠與

不誠故也稽天之渚不能終朝而一錢之溜可以連石者一
與不一故也誠而一古之聖人不能加毫末於此也而況公
乎故臣論公之德至於感人心動天地魏二如此而蔽之以
二言曰誠曰一公諱光字君實其先河內人晉安平獻王孚
之後王之裔孫征東大將軍陽始葬令陝州夏縣涑水鄉子
孫因家焉曾祖諱政以五代衰亂不仕贈太子太保祖諱炫
舉進士試祕書省校書郎終於耀州富平縣令贈太子太傅
考諱池實元慶厯間名臣終於兵部郎中天章閣待制贈太
師溫國公曾祖妣薛氏祖妣皇父氏妣聶氏皆封溫國太夫
人公始以進士甲科事

仁宗皇帝至天章閣待制知

諫院始發大議乞立宗子為後以安

宗廟宰相韓琦

等因其言遂定大計事

英宗皇帝為諫議大夫龍圖

閣直學士論陝西刺義勇為民患及內侍任守忠在臺乞斬
以謝天下守忠竟以譴死又論

濮安懿王當準

先朝封贈期親尊屬故事天下義之事

神宗皇帝為

翰林學士御史中丞西戎部將寇名山欲以橫山之眾降公
極論其不可納後必為邊患已而果然勸

帝不受尊

號逐為萬世法及王安石為相始行青苗助役農田水利謂
之新法公首言其害以身爭之當時士大夫不附安石言新
法不便者皆倚公為重

帝以公為樞密副使公以言

不行不受命乃以為端明殿學士出知永興軍遂以留司御
史臺及提舉崇福宮退居於洛十有五年及 上即位

太皇太后攝政起公為門下侍郎遷正議大夫逆拜

左僕射公首更 詔書以開言路分別邪正進退其甚者

十餘人旋罷保甲保馬市易及諸道新行鹽鐵茶法家後遂
罷助役青苗方議取士擇守令監司以養民期於富而教之
慫二嚮至治矣而公卧病以元祐元年九月丙辰朔薨于位
享年六十八 太皇太后聞之恟 上亦感涕不

已時方祀明堂禮成不賀 二聖皆臨其喪哭之哀甚

輟視朝贈太師溫國公祔以一品禮服謚曰文正官其親屬

十人公娶張氏禮部尚書存之女封清河郡君公先卒追封
溫國夫人子三人童唐皆早亡康今為祕書省校書郎孫二
人植桓皆承奉郎以元祐二年正月辛酉葬于陝之夏縣涑
水南原之晁村

上以御篆表其墓道曰忠清粹德之
碑而其文以命臣軾臣蓋當為公行狀而端明殿學士范鎮
取以志其墓矣故其詳不復再見而獨論其大方議者徒見

上與

太皇太后進公之速用公之盡而不知

神宗皇帝知公之深也自士庶人至于卿大夫相與
為賓師朋友道足以相信而權不足以相休戚然猶同己則
親之異己則踈之未有聞過而喜受譴而不怒者也而況於

君臣之間乎方熙

中

朝廷政事與公所言無一不相

違者書數十上皆盡言不諱蓋自敵以下所不能堪而

先帝安受之非特不怒而已乃欲以為左右輔弼之臣至為叙其所著書讀之於迺英問不深知公而能如是乎

二聖之知公也知之於既同而

先帝之知公也知

之於方異故臣以

先帝為難昔齊神武皇帝寢疾告其

子世宗曰侯景專制河南十四年矣諸將皆莫能敵惟慕容紹宗可以制之我故不貴留以遺汝而唐太宗亦謂高宗汝於李勣無恩我今責出之汝當授以傑射乃出勣為疊州都督夫齊神武唐太宗雖未足以比隆

先帝而紹宗與

勳亦非公之流然古之人君所以為其子孫長計遠慮者類皆如此室其身不受知人之名而使其子專享得賢之利

先帝知公如此而卒不盡用安知其意不出於此乎臣既書其事乃拜手稽首而作詩曰

於皇上帝 子惠我民 孰堪願天 惟 聖與仁 聖

子受命 如堯之初 神母詔之 匪亟匪徐 聖神

無心 孰左右之 民自擇相 我興後之 其相惟

何 太師溫公 公來自西 一馬二童 萬人環之

如渴赴泉 孰不見公 莫如我先 二聖忘已 惟公

是式 公亦無我 惟民是度 民曰樂哉 既相司

馬 爾賈子途 我耕于野 士曰時哉 既用君實

我後子先 時不可失 公如麟鳳 不驚不搏 羽毛

畢朝 雄狡率服 為政一年 疾病半之 功則多

矣 百年之恩 知公于異 識公于微 匪公之恩

神考是懷 天子萬年 四夷未同 薦于 清廟

神考之功 玉冊官臣王璠奉 聖旨摹刻

右司馬光神道碑蘇軾奉敕撰并書朱子云坡公作温

公神道碑敘事略然其生平大致不逾於是矣文載本

集按傳構紹聖初御史周扶首論光誣謗先帝章惇蔡

卞請發冢斲棺帝不許乃令奪贈謚卞所立碑是碑立

八年即被仆也今拓本凡四石未至碑下莫詳其式字
經俗子修整結構失形十且七八初疑為翻刻本而字
裏時見原刻筆畫參差呈露知碑在追貶時仆而未毀
後人就磨蝕處疊鑄以顯明之雖遭劣手而其為蘇書
原石無疑也拓本流傳甚少于司直天下金石志載其
目瞿氏古泉山館金石錄亦有之為寰宇訪碑錄所採
其餘各家俱未搜及字與集本異者真人數十萬集作
十數萬孫二人植植植集作栢按植為欽宗御名碑刊
於前三十年無所避改
集本列在兩波後缺末筆作而獨論其大方集作槩
栢後末波刻迹能為栢耳
瞻等既還遂一本作葬而蔽之以二言二一本作一天

下義之義一本作躋凍凍嚮至治矣一本凍之下衍乎
字子三人童唐皆早亡童一本作童而紹宗與勅與一
本作於甯其身不受知人之明不一本作亡而使其子
專享得賢之利一本子下衍孫字乃拜手稽首一本無
手字皆可据碑以例槩本之誤也

与下正案其流
六前正案

韓忠獻公祠堂事迹記

高六尺六寸廣三尺五寸序四行行六十七字字徑一寸
事迹六列首列三十四行次列三十八行三列六列各四
十行四列三十九行五列三十六行前列五列行各十四
字次列四列各十二字三列十八字六列十五字字徑六
七分末一行書碑篆額
銜名均正書在定州

韓忠獻公祠堂事跡記

篆額題九字字
徑一寸五分

韓忠獻公祠堂事迹記

忠獻韓公治定之日善政之迹歲月雖久而詢之吏民人人
各能道其一二邦人乃欲繪於祠堂固已不可悉紀而况吏
民有所不知形容之所不能者又豈可勝道哉今姑擇遺老
所聞及
公奏請施行之事有所據依可以傳信者九

宋元祐三年十月初五日

三十事以繪于堂之兩廡然憲棟宇丹青□時而壞謹以所
書大槩復刊于石庶幾後之君子有尊賢樂善之心欲繼而
完葺之則有所考焉元祐三年十月初五日宣德郎知定州
安喜縣事銜 規 謹序

一

慶曆八年大水歲饑流民滿道公大發倉廩募人入粟分命
官吏設飭粥以食民公日往按視遠近歸之者不可勝數明
年皆給路糧遣歸優

詔褒美其略曰河北都轉運司奏去年河北艱食人戶流亡
卿多方摩畫全活人命及七百萬並歸本業蓋是卿用心拯

救朕甚嘉之

二

定州沿山口鋪舊有差三等以下戶充巡子把截者公曰此貧弱之民不足以禦盜徒妨農作皆易之以禁兵於是巡警嚴肅民得歸業公私便之

三

公以災傷之後境內二稅悉奏蠲免山澤之利聽民貿易官不收其稅往來河津者不取渡錢一切逋負闕而不追三司科買茶草食羊之類悉權止之故窮民蘇息

四

異時虜騎入界侵掠官司追捕者多以生事譴去故縱不敢
呵公曰時方講好彼入我境曲在彼也豈可使吾民不安而
官吏為自便之計乃請於朝或虜寇越境劫居民聽邊吏以
時掩殺 詔從之自此編戶皆得安居

五

定武自五代以來學校廢息守臣皆以用武之地視為末事
公始躬行釋奠禮於夫子廟見其頽墉壞宇退而嘆憤乃命
工大葺之廟既完又市地於廟北建學舍諸生始有習業之
所公又時往勸課焉其後學者遂大盛

六

甘陵之役定武兵有歿王事者公厚贖其家子孫年十五以上先涅以為軍給衣廩之半俟其長教藝而全給之軍中莫不勸悅其後朝廷推以為法

七

河北廂禁兵有逃竄者舊制一季外移其家屬於河南一日有孕婦扶其姑老且病過定武不能前訴於公公曰立法之始慮其奔投異域然未必皆如此今一人犯法使其父母妻子流離轉徙於千里之外甚傷和氣乃請迹涉亡叛者方用此制餘悉令遷便至今著以為令

皇祐初三司出絹數十萬收市穀粟轉運司均配人戶變納見錢期限甚促公以軍儲不_足請滿歲方輸官仍免配坊郭第四第五等戶鄉村亦聽以斛斗折納於是人力舒緩無逼迫之憂

兩府舊臣出鎮多務大體細故委之僚屬公至定州則不然事無小大必躬親臨之民有赴愬則委曲訪問犯法者情或可恕施刑則有厚赦焉故下情皆得上達而刑獄無冤

北京修塞商胡口三司令勸誘坊郭縣鎮五等戶進納稻草
第一等限二十五萬束第二等已下遞減五萬公以本州民
力不厚復至澶州地遠若與北京同等出草必立見破蕩家
業累奏得免

右二
列

十一

三司嘗以絹五萬七千一百餘疋繼以金三千兩銀五萬一
千一百餘兩令定州變轉見錢二十萬封樁公奏曰物數浩
瀚難以一州當之定武實緣邊也州縣坊郭戶事力素薄令
若以二十萬數止於定州一處變易人戶不易勝任望見破

壞矣願令諸州寬以期限變轉送至定州衆力集之當不為難累奏竟得分配於諸郡

十二

定州西北近邊山林為禁斬伐其後楊懷敏建言并以近裏淺山耕藝之地槩行禁止留州縣自臨河以北巡邏日益嚴犯者輒致于法邊人或徙居失業公乃遣官行視去北境尚五六十里足為防蔽別定禁地揭牘諭之非今所禁者縱民採伐由是得地六百餘里莫不感說

十三

慶曆八年緣邊始廢見錢入中而用三說四說之法由是使

耀州軍文抄積滯商賈不行以至朱斗七百甚者千錢公以
邊儲事重極陳其法非使朝廷以公奏不已詔河北緣邊
入中糧草復行見錢之法衆議稱使于今行之

十四

公修明軍政剷除宿弊士卒犯令者一切繩以紀律恩威既
信乃考李衛公遺法為方圓銳三陣以教軍旅迭引番休備
環無窮強督短兵出入陣間皆有次第又張兩翼以待之由
是定兵符河朔有郡皆取以為法軍聲大震于今行之

十五

公禮賢待士輕財好施四方之士聞風而走定者不可勝數

至者益多公益不厭必隨其緩急以明之及其去無不各充其欲嘗有一書生以葬親有求於公公贈以緡錢五萬生得之乃盡為遊燕之費他日復託以卧疾謂前賜已竭公又遺之如初僚吏皆不平白公曰彼長費且盡必復來欺公願毋予也既而果詐以被盜又至公又以前日之數與之左右莫不憤然公曰彼未詐我以誠待彼前日雖長安知今日不實殺葬耶若遂絕之使不克葬其親予不忍也其後生因此贈遂得單其葬聞者嘆服公以誠心待物類如此

右三列

公以備邊惟積穀為先務歲糶之入倍於他道乃請以緣邊
文抄至京先次給錢商賈於是輻湊矣其後歲糶入粟者大
至然給券多而難售民以為惠公命出庫錢加估以市之遣
吏以券易貨于都下公私利焉

十七

公嘗請開保州徐河大堰置水澆限沈莊泊水以愛惜民田
議久未得行後公為宰相乃命三司判官楊佐知保州趙滋
同老田司張茂則置立石堰以限泊水民得免漂蕩之患于
今存焉

十八

廣信軍界北人數百夜掠民數十口并取其財而去本軍投
文通年不宥遣還定或屬例與靈中公文不通公以帥檄
諭之雲懼志遠所撥

十九

定武儲粟常數百萬其倉廩六七而頽弊相望主者日有
敗吾之憂公乃編為完葺又度地城南偏以建大倉名之曰
寶堂列為九區屋楹千六百有八楹因為文以名其諸教曰
足兵伊何惟教之力守得以固攻恃而克其或官不貪賞法
無屢易則吾食既精兮我康常積

二十

禁卒有私逃數日而負其母以至者軍中執之以見公按法當死卒曰母老且病近在數舍聞常恐不復見誠知擅去當誅得一見死無恨公惻然考按得實即以便宜擇之軍中感悅有垂涕者

右四列

二十一

一歲霖雨為患總管狄武襄言公字□壞之甚公曰若此則士卒營壘當有不可處者□武襄聞之懼然亟往行視諸營賴加補葺軍中莫不感悅

二十二

定武屯聚大兵歲仰它州供備不可勝計轉運司所支金帛多在內郡皆令衙前吏往詣逐州輦致未嘗少休往往破產被誣至有棄家而亡者極為困弊公奏極邊之民吾無事力平時當且愛惜請逐州自為輸送於是一州民戶得遂休息

二十三

定武舊歲調黃河夫如中州公以被邊宜蠲苛役常使畜力以待緩急迺為奏畫因是沿邊例免春夫百姓蒙惠至今矣

二十四

公帥定武凡將佐必精意選擇幕府如陳薦王居卿韓琦夏倚偏裨如狄青趙滋郝質張忠邢佐臣等平日聞公語論見

公施為後皆為名將才臣

二十五

皇祐三年本路八州之民合數千人搥登聞鼓願不以三年
代公

上自以中山地重輒公未可乃遷觀文殿學士再任其制略
曰顧定武之雄塞控燕垂之巨防克宣壯猷有嚴武服戎落
畏附師老肅和思代爾庸良難其付□推進律之寵宜懋增
□之焉中山之民又當相率走闕下願得生祀公以廟

天子嘉歎焉故龍圖李公絢序闕古堂嘗紀其事後公□□
民追思不已相與立祠以成其善

二十六

公仁政既行年穀告豐乃於城北隅興葺池臺号曰衆春園
歲時與民同遊衆情熙熙始知有太平之樂嘗因歲饑公不
出游者久之機宜陳薦以詩上公曰水底魚龍思鼓吹沙頭
鷗鷺望旌旗公答詩曰所恨無才濟阻飢北堂因此失春期
又曰細民溝壑方援手別館鶯花任送春於此見公與民同
其樂又同其憂也

二十七

公於郡園建闕古堂據前代良守將之事可為法者凡六十

條繪于堂之左右壁一時名士皆為之賦詩刻石堂上

二十八

北嶽祠在州之曲陽縣歲久不葺守臣奉祠與執事者升降於頽簷壞廡間公以為慢神莫斯為甚迺完廟宇煥然一新每雨雪不時降公即走僚屬禱于祠下而神必應之時六道荐饑定獨屢豐故公嘗有詩曰靈嶽祠官尚未迴六花隨禱下瓊瑰其後公改帥并門又嘗題于廟去每時有水旱必致禱祠下無不響應故枉道即靈居以謝

二十九

公自成德移帥中山前驅至沙河而馳報曰河勢將漲憲水

暴至願迴轅少瀆公曰第具舟既而徐濟人望其水流若有神龍偃止之狀行李方絕波濤果如山而下後騎猶有未得渡者觀者莫不驚歎以謂盛德所至神明常相之也

三〇

皇祐五年公拜武康軍節度使經略河東時公在定〇年矣將行定人爭欲遮留公使不得出公聞之一日偽遊泉春園陰欲由他道去民初不知至日曠始悟奔走宿於城北門不得闔寮屬相與設祖于道銓轄郝質壯勇士也首感泣大恸聲徹于外官吏皆泣下既而道路士庶突震動原野

新授權橫海軍節度推官劉 燾書

西京左藏庫使北平軍使張 守誠篆額

中山楊世□刊

蓋震墓誌銘

方廣二尺一寸三十一行
三十一字字徑五分正書

宋故平昌蓋君墓誌銘并序

新授河南府密縣主簿郭懋撰

新授□州桃源縣主

簿郭□□

平昌蓋君名震字伯安其先浙右台州臨海人也祖大父曰

□□太平興國三年從忠懿王納土來京師後徙籍潁川之

長葛□緒繼承遂為長葛人考曰□始究高書學累困科舉

曰自詆其業慕陶朱猗頓之術厲救李少修治生事有居積

之息以時而射之督日以勤之至富羨君少失父侍奉羣叔

宋元祐二年十月初七日

訓嘗委□任舉無不克事孀母以孝篤聞于鄉里天聖中奉
父□議以族黨□大量入□□諸給以析生各周其奉養君
惟稟命竟無所較自是益動謹通理財之幾務積久行□過
盛□族乘暇它無嗜好惟蓄書史樂取人之有善行者嚮慕
之家庭之訓率以義方常以厚禮招致博學有聞之士以教
育其子孫為急日思人之為孝所以奉先今未葬者三世奚
獨以□□自□□□□手錄是訪師卜兆疚懷念口幾數十
年間始得今邑之西北嘉鳳岳里之□北君一見之目巧經
營左右前後環擁□完□□得之私謂神授熙寧八年十月
初九日丁酉違祖考之靈以□勝之法葬焉自作墳域記教

陳昭穆之次藉以示奕世之裔識親友之詳雖久不失尊卑
之叙其訓後昆之志斯亦深且遠矣其象大父之宗屬異屋
者九十七喪亦同年月旬旬有三日別域而葬於三時口里
之原舉事致力咸出于君□費困窮之一毫誠親親義分之
至矣酷留意於醫學古今方書習知浩博人有疾若不問親
□祝由□論施藥偶病工之粗者往往屈其精至尤長口陽
竿教之術推窮禍福頗多中獲人往往之託以不能而罕言
至於君自終之年密諭友知日點而識之過則陰陽之書証
不可信元豐八年正月十有四日以疾終于家享年七十有
七果如預告友知之數人益重其□精資性敏悟保身畏慎

富間強識人稱多能交外博和□家嚴毅俾閨門之內嗚嗚
然不失其□節初娶沈氏次郭氏咸有婦道皆先君歿生六
子孟季四子俱早亡仲子安期操履純固業進士嘗預鄉薦
次仲安世性靜氣立幹材堪任竝先君卒常語人而追惜之
曰天不與我起家幹蓋之子邪女□人長適邑人趙彭年次
二女蚤亡孫四人舜臣治家之蕭無忝厥祖舜民舜明皆舉
進士舜欽高幼孫女六人長適遂避次孟宗立次進士孝節
次孝恪次孝□次高幼曾孫七人大中六年大禮大有大臨
大鈞大防元祐二年十月初七日乙酉詵詵孫子奉君之柩
柩于岳里之原從先塋之□甲諸孫奉以事能□銘於人以

紀君平日之善者寔君疇昔急教誨植禮致孝之明效□系
其銘曰

嘉鳳原 □岳里 左依山 右帶水 地形勝 神所

指 祔正甲 從先子 □叙昭 柏森楸 守善終

宜有後 銘刻石 著不朽

漢巖題刻七種

在合州

劉象功漢巖銘

高九尺五寸廣一大餘十九行行十六字字徑五寸正書

漢巖銘

并序

左朝請郎知合州軍州事劉象功撰

距城□里有僧舍依大江林麓樓觀聳出者狀□縑素間其絕俗幽邃歷歷可指于時侍先君嘗遊今命領郡復至□

然有空

□新感舊之歎因作銘

泐

□之二州

河漢發源

極□通□

□渺東傾

奔龍竄鯨

吞□走荆

□□蒼巖

喬松古杉

陰□撲□

□崖斷壁 □昏霧塞 □空嶽折

巴濮隣國 □豪相賊 為狼為豕

□血枯 □王滅迹 雲閑圓寂

世變茫茫 □空地荒 □□□藏

□築其□ 憑高構危 立剎開基

在昔幼□侍□ 先公 曾步巖宮

帝命惟汝 克蹈前武 往治茲土

馬焉歲久 江山惟舊 □懷孔□

勒銘其巔 子承孫傳 與□齊□

元祐五年正月九日磨□

元祐殘刻

拓紙高二尺六寸廣二尺三寸約六行行約八字字徑二三寸正書

元祐八年泐

有花入洞泐

初塵泐

第四行泐

陳

第六行全泐

趙伯義題名

高一尺八寸四分廣二尺四寸八分十二行行九字字徑一寸五分正書

紹興甲寅上春初旬開封趙伯義宜仲挈家遊之公老人翠

巖時同來者十六人 叔文李悅道親友董洪伯源杜霖

澤民子明弟伯元督張運

王軾載李享叔應衆叔師顏

賢師閔孝仲悅男師之侍行

馮茂恭等題名

高存一尺八寸廣三寸四分六分五行行存三字字徑五寸正書

馮茂恭

缺商民唐

夫紹興

缺亥十月

巳同遊

紹興元年直辛亥十三年癸亥二十五年乙亥是刻上

缺佚不知何年

紹熙殘刻

高三尺七寸廣二尺五寸四行行八字字徑三寸末行較小分書

紹熙庚戌

初下杜

□

下及第三行全初酌別歲寒亭

住山普嬰磨崖

知合州劉題詩

高三尺五寸廣五尺二寸六行行四字字徑七寸末行較小正書

石壁雲

牡丹青世

代遙名山未能隱逸興已飄飄

知合州劉

初下

泐名殘詩刻

高二尺廣三尺一寸十一行行九字字徑一寸八分正書

郝宗臣等題名

高一尺六寸廣一尺四寸七分行十字
字徑一寸三分正書在曲陽王子奇

元祐五年自春及夏時雨稍愆宰以奉

命祈禱至寺遂獲感應仲夏十三日右通直郎知曲陽縣事

郝宦右侍禁監北嶽廟張堦周三班奉職縣尉劉仲師同到於此

郝宗臣等題名

高一尺六寸五分廣一尺八寸九行行八字名字橫書一格字徑一寸四分正書在曲陽北五十里柳靈院慈炬寺

右通直郎知曲陽縣事郝宗臣左侍禁巡檢劉旦右侍禁監

廟張維周三班奉職縣尉劉仲□奉

命祈雨恭詣至寺遂霽感應而還邑時大宋元祐五年五月

十六日書

元氏縣重建廟學碑

碑高五尺四寸廣二尺四寸五分二十六行行四十五字字徑八分正書在元氏大成殿前

元氏縣重建廟學記

篆額三行九字字徑三寸

元氏縣重建廟學記

士淑於俗學為日之久

先皇帝念之故有樂育之道作成之方皆出於教養之美意天下之士始不流於淺近之習而自弃者日寡小以成小大以成大隨所造而已熙寧初大建太學於京都亦以待方來之學者開館至數千楹又厚其廩食之賜羈旅之士其至如歸而居有餘安矣適擇教官使亦專經責以講事可以發明

先王道德之遺意而承學之徒亦知自窮於性命之理轉相傳導以自幸設三舍以為之勸須其問學之精考其行能之實為之升遷之序學者患乎无材而不患乎无所取是以譽髦之彥漸清夫日就月將之間者幾於唐虞之盛有向於成周之隆矣於是又詔郡邑皆置學舍立宣聖之廟為雖

遐陬邊徼不以遠而有所遺不以小而有所廢以謂土地雖異宜風化雖異習出於人心者未始不同且以有生之身索於性分之内良知良能善所固有在因其固有而達之要使四方萬里之外人人無不同之學仁博而恩洽矣由是

學者莫不欣戴德澤知盛時之為難遇敷之而有聲者

應舞之而有形者隨老師宿儒無容肆其造誕不根之言稍
鄉於理義之域然而州縣之吏往往不能奉承 旨意一

切苟且入於固猶失於建立者衆間有文具而已者不知夫
古者家有塾黨有庠遂有序國有學於以攷其有德行道藝
者庠與之則學校之設亦治世之先務也元氏之有學始營
於田君照鄰在縣之西北隅觀其作室之制與夫 廟與

之飾究之以禮陋而不典是以其道鬱而不發歲月浸久弊
壞窮處遂使 先聖之居索然穢寂而無尊奉之教學

者從可知故間有有意於從學者無受教之地則雖抱至美
之質有入道之資亦將茅塞廢弛而不能自振於荒殆之中

良可嘆惜邑民病此故有欲共工出力作而新之且未及

今上即位學由天縱

聖德日躋慨然思有以繼述

成就

神考之志嗚呼以

先帝之聰明睿智神文聖武創濶立制經萬世而不可易者
何特學校而已哉雖威神在天餘光炳耀與日月而並明

天子方且敬仰其

隆功休烈固難以形容萬一而顯揚欽慕無有窮期則羣臣
百執事正當謹承

二聖之所以然者直不可以私意自任恣謬悠之談關於流

俗之論作為異端橫議如歆有所戾焉者又不可不知也今
邑人承議郎鄭士宗殿直裴士廉因衆人之所願又請以己
之私錢助夫不足之用擇地之葵而遷之長廊複屋廣殿重
廬宏壯而不華顯敞而不麗工不日而告舉行且擇夫有道
者主之以教誨後學使各知脩進以取名當世又將見高車
大蓋煥乎衣冠之盛里人皆曰吾鄉之人也吾鄉之人也得
不偉歟其來蓋自學校始今略其興立之初而誌其落成之
日寔元祐庚午仲秋初吉右朝請郎知縣事護軍賜緡魚袋
曹景記并自書丹

右記曹景撰并書無篆額人性名曹景見元氏縣志名宦

傳元豐寄祿格以朝請郎換前行員外郎侍御史元祐四年自承務郎以上皆分左右兩等左以加進士出身人員右以加餘人景列銜為右朝請郎蓋非進士出身者也記云熙寧初大建太學於京師開館至數千楹設三舍以為之勸云云事見宋史選舉志又記云詔郡邑皆置學舍立宣聖廟案詔天下州縣立學在慶曆四年事詳皇祐二年

曹宏撰元氏新建縣學記跋

常山志
石志

常山志二聖作三聖擇地之異莫作異均誤